


1XJ



Broj: 05-05/01-11- 357/23
Datum: 10.11.2023.godine

Na osnovu člana 69. stav (2). tačka d) i člana 70. Zakona o javnim nabavkama („Službeni glasnik BiH“ broj 39/14 i 59/22), Pravilnika o javnim nabavkama Ministarstva unutrašnjih poslova USK broj:05-01-021/23 od 26.04.2023 godine, člana 24.Zakona o unutrašnjim poslovima Unsko-sanskog kantona (“Službeni glasnik USK - a”, broj 13/16 i 16/17), a na osnovu Preporuke Komisije za javne nabavke MUP-a USK-a broj: 05-01/01-11-357/23 od 07.11.2023.godine, ministar Ministarstva unutrašnjih poslova Unsko-sanskog kantona, **d o n o s i:**

ODLUKU

o poništenju postupka javne nabavke kancelarijsko-daktilografskih stolica

Član 1.

Poništava se postupak javne nabavke kancelarijsko-daktilografskih stolica za potrebe opremanja službenih prostorija organizacionih jedinica, Ministarstva unutrašnjih poslova u 2023.godini u skladu sa članom 68. stav (4). tačka i).

Član 2.

Ova Odluka stupa na snagu danom donošenja i objavit će se na službenoj WEB stranici Ministarstva unutrašnjih poslova Unsko-sanskog kantona.

OBRAZLOŽENJE

Na osnovu Odluke o pokretanju postupka javne nabavke kancelarijsko-daktilografskih stolica za potrebe opremanja službenih prostorija Ministarstva unutrašnjih poslova broj: 05-05/01-11-357/23 od 29.09.2023.godine i Obavještenja o javnoj nabavci objavljenog na portalu javnih nabavki broj:709-1-1-114-3-9/23 dana 16.10.2023, proveden je otvoreni postupak za predmetnu nabavku.

Komisija za javne nabavke je Zapisnikom o otvaranju ponuda broj: 05-01/01-11-357/23 od 07.11.2023.godine konstatovala da je blagovremeno pristigla 1 (jedna) ponuda i to ponuđača d.o.o. R&S Sarajevo, Igmanska bb. 71320 Vogošća.

Komisija je dana 07.11.2023.godine izvršila pregled i analizu dokumentacije priložene uz ponudu, u smislu provjere njene validnosti, s obzirom na iskazane zahtjeve Ministarstva unutrašnjih poslova u tenderskoj dokumentaciji.

Uvidom u priloženu dokumentaciju pristigle ponude firme R&S d.o.o. Sarajevo – Vogošća, Komisija je konstatovala da dostavljena ponuda, kao ni uzorak koji je dostavljen ne odgovara traženoj tehničkoj specifikaciji u Tenderskoj dokumentaciji, a odnosi se na nosivost kancelarijske stolice.

Naime, tenderskom dokumentacijom je između ostalog, traženo da kancelarijska stolica ima nosivost do 150 kilograma, a na poleđeni sjedišta dostavljenog uzorka je oštećena etiketa, odnosno deklaracija iz koje nije vidljiva tražena nosivost.

Iz dostavljene ponude, kao i uzorka vidljivo je da ponuđena kancelarijska stolica ne ispunjava tražene tehničke specifikacije, zbog čega se ova ponuda odbacuje, u skladu sa članom 68. stav (4). tačka i).

Slijedom prethodno navedenog, Komisija je predlaže poništenje postupka javne nabavke kancelarijsko-daktilografskih stolica.

U skladu sa odredbama Zakona o javnim nabavkama, cijeneći prethodno navedeno, Komisija je jednoglasno dala preporuku rukovodiocu ugovornom organa da donese odluku o poništenju postupka javne nabavke na osnovu odredbe člana 69. stav (2) tačka d) kojom je definirano da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

Na osnovu utvrđenog činjeničnog stanja, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.



- Dostaviti:
- Ponuđaču „R&S“ d.o.o. Igmanska bb 71320 Vogošća
 - Ministru
 - ☞ IKT-za objavu na web stranici MUP-a
 - a/a

502. Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560
eb: www.mupusk.gov.ba, e-mail: mupusk@mupusk.gov.ba , info@mupusk.gov.ba